



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-65/19
Sarajevo, 10.07.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 09.07.2019. do 07:00 sati 10.07.2019. godine

Jučer oko 16:00 sati područje naselja Tarčin (Općina Hadžići) zahvatilo je jako olujno nevrijeme praćeno obilnom kišom, gradom i vjetrom. O navedenom nevremenu obavješten je direktor Kantonalne uprave civilne zaštite Kantona Sarajevo, dok je njegov pomoćnik za mejre zaštite i spašavanja odmah izašao na područje naselja Tarčin koje je bilo zahvaćeno naveremenom, kao i članovi Općinskog šraba civilne zaštite Hadžići i pripadnici općinske službe zaštite i spašavanja, koja je formirana u Dobrovoljnom vatrogasnom društvu Tarčin.

Olujno nevrijeme je pričinilo šteta na krovovima stambenih i pomoćnih objekata i oborio više stabala od kojih jedno na privatnu kuću, jedno na visokonaponski strujni vod i nekoliko na putne komunikacije, dok povrijeđenih lica nije bilo.

Odmah su preduzete neophodne mjera zaštite i spašavanja na otklanjanju i saniranju posljedica. Po nalogu direktora Kantonalne uprave civilne zaštite Kantona Sarajevo na otklanjanju posljedica od olujnog nevremena angažovani su pripadnici Služba za sječu i uklanjanje oštećenih stabala Kantonalne



uprave civilne zaštite Kantona Sarajevo, koja je formirana u KJKP Park, koji su sa specijalnim vozilom uklanjali stabla sa stambenih objekata i visokonaponskog strujnog voda.

Prtipanici općinske službe zaštite i spašavanja, koja je formirana u Dobrovoljnom vatrogasnom društvu Tarčin su angažovani na otklanjanju posljedica od jakog olujnog nevremena na prioritetnim objektima i saobraćajnicama. Oštećeni krovovi stambenih objekata sanirani su crijepom i folijom tako da ne prokišnjavaju, dok su oborena stabla su uklonjena sa važnijih saobraćajnica.

Mjere zaštite i spašavanja na otklanjanju posljedica od olujnog nevremena nastavit će se i u toku današnjeg dana.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) imali su tri manje intervencije i to: dvije intervencije na gašenju zapaljenog smeća u kontejnerima i jednu intervenciju obezbjeđenja sportskog događaja (nogometna utakmica).

JU Zavod za javno zdravstvo Kantona Sarajevo: U periodu od 24.06. do 30.06.2019. godine, na području Kantona Sarajevo ukupno je prijavljeno 70 slučajeva zaraznih bolesti obaveznih prijavi, od toga: 12 morbilla (male boginje), 23 enterocolitis ac. (enterokolitis), 16 herpes zoster (šindre), 1 HVC (hepatitis C), 7 nosocomial infections (bolničke infekcije), 1 salmonellosis (salmoneloza), 5 scabies (šuga), 2 scarlatina (šarlah), i 3 toxiinfectio al. (trovanje hranom).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +17°C, vlažnost zraka 99%, barometarski pritisak 940 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Zbog održavanja manifestacije „Ilijaški dani“ obustavljen je saobraćaj u ulici 126. Ilijaške brigade (od raskrsnice sa ulicom Hašima Spahića do raskrsnice prema OŠ Hašim Spahić).

Povodom 24. godišnjice genocida u Srebrenici i ukopa identificiranih žrtava sutra do ponoći zabranjen je prevoz eksplozivnih materija na putevima: Sarajevo-Olovo-Kladanj-Luke, Tuzla-Živinice-Stupari-Kladanj-Luke i Tuzla-Kalesija Caparde.

KJKP GRAS: Gradski saobraćaj se odvija po redovnom režimu, osim minibuskim linijama iz Hadžića za Kasetiće, Osenik i Ušivak i linije Stup - Sokolje, koje nisu u funkciji zbog nedovoljnog broja vozila.



Prema informacijama prikupljenih od dežurnih dispečera i informativnih službi, **Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1